

ՏԱՐԵԹՎԵՐԻ ԵՎ ԱՄՍԱԹՎԵՐԻ ԳՈՐԾԱԾՈՒԹՅՈՒՆԸ ՀԱՅ ՄԱՏԵՆԱԳՐՈՒԹՅԱՆ ՄԵՋ



արևմտյան և ամսագրերի գործա-
ծությունը ինչպես մյուս ժողո-
վուրդների, այնպես էլ մեզ մոտ
այնքան էլ խոր նույնություն
նրա ժամանակի չափման նախնա-
կան հասկացություններ մարդկանց մոտ
առաջանում է այն ժամանակ, երբ նախնա-
ղարյան մարդը թեև կոխում է իր դարդացման
համեմատաբար դիտակցական շրջանը— երբ
իմք է դնում իր տնտեսություններ և դրադրում
անասնապահությանը և հողագործությանը:
Հայտնի է, որ նախնադարյան թափառաշրջիկ
և կիսավայրենի մարդը դեռ ոչ մի պատկերա-
ցում չի ունեցել ոչ ժամանակի և ոչ էլ նրա
չափումների մասին:

Իր պատմության արշալույսն ապրող նա-
խամարդու մոտ ժամանակի առաջին չափա-
նիշը ցերեկն ու գիշերն է հանդիսացել—իրար
հաջորդող արշալույսի ցերեկը և հան-
գըստի գիշերը նախամարդու առաջին ժամա-
նակացույցն է եղել:

Ջարդացման փոքր ինչ ավելի բարձր շըր-
ջանում մարդիկ ժամանակի սկսում են չա-
փել ըստ լուսնի փուլերի. տեսնելով լուսնի
նորելու և կյուրելու հաջորդական երևույթը,
լուսինն են վերցնում հիմք և նրա վրա են կա-
ռուցում ժամանակի իրենց չափումները: Մե-
թադրություններ կան, որ լուսնական ամիս-
ները երբեմն գործ են ածվել տարեթվերի
նշանակությանը: Կարծում են, որինակ, որ
Աստվածաշնչում հիշված որոշ նահապետնե-
րի տարեթվերը հաշվված են ըստ լուսնական
ամիսների: Այսպես որինակ, Աստվածաշնչ-
ում

լուսնի և զամ տնդեկություն համաձայն Անթի-
ապրել է 912 տարի: Եթե ընդունենք, որ այս
տարեթիվն հիմնված է լուսնական ամիսների
վրա, ապա նա ասորած կլինի ոչ թե 912 տա-
րի, այլ 73: Նույնը կարելի է ասել նաև Սնու-
րի, Մադագիսի և Աստվածաշնչում հիշված
մի քանի այլ նահապետների և մարգարեների
մասին: Ընդհանրապես, սխալ է դոյություն
ունեցող ա՛յն կարծիքը, որ իբր հնում մարդիկ
ավելի երկար են ապրել: այդ սխալը առա-
ջացել է տոմարական սխալ հաշվումների
հետևանքով:

Ժամանակի ընթացքում լուսնական այս
«տարի»-ները մարդիկ սկսում են կապել
տարվա եղանակների հետ՝ տարեմուտ ընդու-
նելով զարնանամուտը և թվարկելով տարվա
լուսիններն ըստ հաջորդականության: Այս
մասին հետաքրքիր տեղեկություն ունի 7-րդ
դարի հայ գիտնական Անանիա Շիրակացին:
«Անուանք ամսոցն ո՛չ էին յիսկզբանէ,—
դրում է նա,— այլ սկսեալ յԱղամայ մինչև ի
Մոփսէս՝ զգարնանամուտն տարեմուտ ա-
նուանէին ամենայն ազգ: Եւ ամսոց անուանք
ոչ զոշր, բայց միայն զառաջին լուսինն
զգարնան առաջին լուսին անուանէին և զկնի՝
երկրորդ լուսին, և երրորդ լուսին, և չորրորդ՝
մինչև ցերեկոտասաներորդն, և զողջոյն ամսն
այսպիսի անուամբ վարէին մինչև ի մուտն
զարնանային»:

Լուսնական տասներկու ամիսների վրա
ստեղծված տարին արեգակնային աստղա-
բաշխական ճիշտ տարուց պակաս էր մոտ 11

2. Սնուրի, Ե, 6-Ա:

3. Անանիա Շիրակացի, Տիեզերագիտութիւն և տո-
մար, Երևան, 1940 թ., էջ 76:

1. Պրոֆ. Լ. Մեյյունիս, Ամսեր (տե՛ս ժողովրդական
ամսագիր, 1953 թ., N 1, էջ 26):

օրով (լուսնական տարին ունի 354 օր, 8 ժամ, 48 րոպե, 34 վայրկյան տեղումնություն, իսկ արեգակնային տարին՝ 365 օր, 5 ժամ, 4 րոպե և 46 վայրկյան տեղումնություն)¹:

Արեգակնային և լուսնային տարիների այս տարբերությունը առաջին ռեզալ նկատելի են եգիպտական աստղաբաշխները, որոնք խընդիր ունենին նախապես պարզելու նեղուս գետի վարարման ժամանակը՝ կապված Սիրիուս փայլուն աստղի առավոտյան լուսարացքին երկնակամարում երևալու հետ, որը տեղի է ունենում ամառնամուտին: Նրանք են առաջին անգամ գործադրել արեգակնային կոչվող տոմարը: (Եգիպտական տոմարով տարին ուներ 13 ամիս, որոնցից 12-ը 30-ական օրից, իսկ 13-րդը՝ 5):

Տոմարական տարվա գաղափարն առաջանալուց հետո, բնական է, պիտի առաջանար, և առաջանում է նրա սխառմամտիկ հաշվումների անհրաժեշտությունը — տարեհաշվումների ժամանակագրությունը: Հասկանալի է, որ առանց հաստատուն թվերի ու

թվականների չէր կարելի ո՛չ ժամանակը չափել և ո՛չ էլ անցյալի իրադարձությունները վերհիշել: Արդարացի է պատմահայր Մովսես Խորենացու դիտողությունը, թե՛ «ո՛չ է պատմությունը հշմարիտ առանց ժամանակագրութեան»²:

Անհրաժեշտ է սակայն նկատել, որ հին հայկական աղբյուրներում տարեհաշվումները սկսում են ո՛չ միայն թվականի ձևով, այլ ըստ ժամանակի աչքի ընկնող քաղաքական անձնավորությունների՝ թագավորների, կայսրերի և կաթողիկոսների գահակալության տարիների:

Դժբախտաբար, մեզ հասած հին հայկական աղբյուրները, իրականում, այնքան էլ հին չեն — նրանք պատկանում են հետքերիստոնեական շրջանին: Առաջին հարցը, որ հայկական տոմարի կապակցությամբ մեր առջև ծառանում է, այդ այն է, թե ունեցե՞լ են արդյոք հայերը հեթանոսական շրջանի իրենց թվականը, թե ոչ, և եթե ունեցել են, ապա ինչպիսին է եղել այն:

1. ՀԵԹԱՆՈՍԱԿԱՆ ՀԱՅԱԴԻՐ ԹՎԱԿԱՆ

Ակզնաղբյուրների մանրակրկիտ ուսումնասիրությունը մեզ բերում է այն եզրակացության, որ հայերը հեթանոսական շրջանում, անփճելի, ունեցել են ինչպես տոմար, այնպես և արեգակնային տարվա վրա հիմնված թվական: Դժբախտաբար այդ տոմարի և թվականի մասին մանրամասն տեղեկությունները պակասում են: Քրիստոնեությունը Հայաստանում կործանեց ո՛չ միայն հեթանոսական մեհյանները, այլև հին հայկական հեթանոսական ողջ մշակույթը, այդ թվում՝ նաև տոմարական ստեղծագործությունները:

Միջնադարյան հայ տոմարագետների մոտ սակայն երբեմն պատահում ենք որոշ ակնարկների հին հայկական այդ տոմարի մասին: Այսպես օրինակ, Հովհաննես Գառնեցիին հայտնում է, որ Հովհաննես Իմաստասերը 1084 թվին տոմարական իր բարեփոխությունների ժամանակ առաջնորդվել է հին հայկական տոմարով և աշխատել է մերականոցնել այն: Հովհաննես Իմաստասերը, ասում է նա, «գտնմարն երևեցոյց զհին Հային»³:

Ըստ Մովսես Խորենացու տեղեկության, հեթանոսական հայկական հին տոմարը, ինչ-

պես և մյուս գիտությունները, մինչև Արտաշես թագավորը (գահակալել է Հայաստանում 189—160 (?) թ. մ. թ. ա.) անուշադրության է մատնված եղել, և նա է, որ կարգավորել է այն և զարգացրել: Հայերը, ըստ Խորենացու, մինչև Արտաշես թագավորը «...մեծամեծ արուեստից և ի գիտութեանց ունայնացեալք էին, որպէս հինից և ասպատակաց պարապեալք, և այսպիսի գիտութեանց կամ անփոյթ արարեալք, և վրամ ոչ հասեալք՝ զշարաթոյց ասեմ, և զամսոց և զտարեաց բոլորմանց... և այս ամենայն յօրինի յաւուրս Արտաշեսի»⁴:

Տոմարագետներից ոմանց հաշիվներով, հեթանոսական հայկական թվականության սկիզբը կապված է եղել «Հայկյան» կոչվող համաստեղության հելիոտիկ ծագման հետ և սկիզբ է առել 2494-ին մեր թվականությունից առաջ, ուրեմն՝ ղեկուս մեր երկրի նախորդիկների շրջանում: Պրոֆ. Լ. Սեմյոնովն անդրադառնալով հին հայկական թվականության սկզբնավորությանը, գրում է. «Երկնական մարի ամենագեղեցիկ համաստեղությունը, որը շատ ուրիշ ազգերի կողմից անվանվում է Օրիոնի համաստեղություն, նվիրված էր հայ առասպելական նախահայր և հերոս Հայկին և այդ համաստեղությունը կոչվում էր «Հայկն»⁵: Այդ համաստեղությունը շատ մոտ էր գտնվում Մեծ Ծան համաստեղությանը, որի գլխավոր աստղը Սիրիուսը կամ Սոթիսն է, նվ եթե առաջին հազարամյակում

¹ В. А. Роговская. Календарная дательков, Москва, 1936 г., стр. 16—17.

² Մովսես Խորենացու Պատմութիւն Հայոց, Տիգրիս, 1912 թ., էջ 224:

³ Հմմտ. Ղ. Ալիշան, Հայկայ շրջան — Հին հայոց տոմար և թուական հաշվար (տե՛ս «Ճշմարիտ» Հայրենեաց Հայոց», Վենետիկ, 1869 թ., Գտն. Ա. էջ 108):

⁴ Մովսես Խորենացու Պատմութիւն Հայոց, էջ 175:

ձեռք թվականությունից առաջ Առթիսի հեղինակի ձառումը տեղի էր ունենում հուլիսի 10-ին, ապա նույնը Հայկի համաստեղության շամար տեղի էր ունենում ոգոստոսի 11-ին⁸։

Ավանդաբար, հին հայկական այդ թվականի հետ են կապում Հայկի՝ Քելին սպանելու և խնկախանելու առասպելը։

Հին հայկական այդ թվականի նմանության մոտիկ եզրերը և ունեցել էզիպտականի հետ նաև ունեցել է 365-ը և բաղկացած է եղել դարձյալ 13 ամսից, 12-ը 30-ական օրով և 13-րդը՝ 5։

365 օրից բաղկացած հայկական տոմարական տարին հայտնաբերվել է արեղակներին տոմարական հշտված սյարվա հետ, որովհետև աստղաբաշխական տարվա անդամությունը, մասավորապես, 365 է մեկ քառորդ օր է, իսկ հին հայկական տոմարական տարին, քառորդ օրը հաշվի լստենելու հետևանքով, յուրս տարին մեկ օրով առաջ էր ընկնում։ Հաշվված է, որ 1160 տարվա ընթացքում հաշվարկված օրերը, կամ ինչպես ասում են՝ ապոկատոստապի շրջանը, մի ամբողջ տարի էր կազմում, որը և թվահաշվից դուրս էին նետում։ Այսպիսով, հին հայկական տոմարի մեջ, ինչպես էզիպտականում, նահանջ օրերը վերաջնում էին ոչ թե 1 տարին մեկ անգամ նահանջ տարի հայտարարելով և փետրվարը 28-ի փոխարեն 29 օր հաշվելով, ինչպես այժմ են վարվում, այլ թողնում էին, որ այդ նահանջ օրերը կուտակվեն, դառնան մի ամբողջ տարի և ապա այդ ավելամուտ տարին դուրս էին հանում թվահաշվից։

Հայկական 13 ամսից 12-ը, այսինքն այն ամիսները, որոնք 30-ական օրից են բաղկացած, իրենց յուրաքանչյուր օրվա համար ունեցել են հատուկ անուններ։ Այդ անունները, քարերախտարար, հասել են մեզ՝ Դրանք հետևյալներն են.

- 1 Արեգ
- 2 Հրանդ (հրախառն հող ?)
- 3 Արամ
- 4 Մարգար (Sylvanus ?)
- 5 Ահրամ
- 6 Մաղդղ կամ Մազրեղ
- 7 Աստղիկ
- 8 Միհր
- 9 Չոպարե (խոովարե ?)
- 10 Մուրգ (հաղբաճակ ?)
- 11 Նրեզհան կամ Նրեզկան
- 12 Անի
- 13 Պարխա

8. Պրոֆ. Լ. Սեմյոնով, Հայկական տոմարի մի քանի հարցերի մասին (տե՛ս «Հայկական ՍՍՏՄ Մատենագրության» Գիտական էյդիթի ժողովածու, հատ. 1-ին, 1941 թ., էջ 22—23)։

- 14 Վաճատ (վաճատու ?)
- 15 Արամազդ
- 16 Մաճի (ճաղում ?)
- 17 Ասակ (անսլիդր ?)
- 18 Մասիս
- 19 Անահիտ
- 20 Արագած
- 21 Իրզու (Իրզու)
- 22 Կուրդի կամ Կուրդուի
- 23 Մմակ
- 24 Լուսեակ
- 25 Տրոն (սիխո ?)
- 26 Նպատ
- 27 Վահագն
- 28 Սիլե (Լևոն)
- 29 Վարսգ
- 30 Իլյուրավար

Ուշադրության արժանի է, որ թվարկված անունների մեծ մասը հեթանոսական հայկական աստվածների անուններից են փոխառված։

Հին հայկական տոմարով որն ունեցել է 24 ժամ՝ 12-ը ցերեկային, 12-ը գիշերային։ Ըստ որում, որն սկսել է ո՛չ թե յուսարացին, այլ երեկոյան արևը մայր մտնելիս։ Օրվա ժամերն ունեցել են իրենց անունները, որոնք հետևյալներն են.

Գ ի շ Ե ր ա յ ի ն ժ ա մ Ե ր

- 1 Խալարակն
- 2 Աղջամաղջն
- 3 Մյաղեալն
- 4 Շաղաուտն
- 5 Պամաուտն
- 6 Ռաուակն
- 7 Հարափեալն
- 8 Գիզակն
- 9 Լուսանմն
- 10 Առաուտն
- 11 Լուսափայլն
- 12 Վայլածու

Յ Ե ր Ե կ ա յ ի ն ժ ա մ Ե ր

- 13 Այզն
- 14 Մայզն
- 15 Զաղեալն
- 16 Հառազայրեալն
- 17 Շառափեալն
- 18 Խրկաուտն
- 19 Շաքալեալն
- 20 Հրակաքն
- 21 Հուրափեալն
- 22 Թաղաքեալն
- 23 Առավարն
- 24 Արփոդն⁹

9. «Հայկական ալբանացի» օրագիր, 1968 թ., էջ 261։
10. Ա. Արքայան, Երեմյան ժամանակագրություն, Երևան, 1944 թ., էջ 113։

Հին Հայաստանում, հավանական է, չէին ասում ժամը այսինչին, այլ տալիս էին տրվալ ժամի անունը:

Պարզված է, որ հին հայկական թվականը սկսելով 2494 թվին (մ. թ. ա.), 1460 տարիների իր առաջին շրջանը բուրբուլ է 1034-ին (մ. թ. ա.), ուր և մի նահանջ տարի դուրս է նետվել: 1460 տարվա երկրորդ շրջանը վերջացել է 428-ին (մ. թ.) և դարձյալ նահանջ մեկ տարին դուրս է նետվել և երրորդ շրջանը վերջացել է 1888-ին¹¹:

Հին հայկական թվականի ամանորը հաստատված է եղել օգոստոսի 11-ի օրը, որը հետագայում վերահաստատեց Հովհաննես Խմաստասերը: Ամանորի այդ օրը հեթանոս հայերի մոտ բերքի տոն էր համարվում և ունեւր համազգային բնույթ. ամանորի օրը յուր էին ցանում իրար վրա, աղավիններ էին թողնում, ուխտի էին զնում կենտրոնական մեհյանը՝ Բազավան և այլն:

Ենթադրություններ կան, որ նախնական շրջանում հայկական ամանորը կարող է եղած լինել նաև զարնանամտին, քանի որ նավա-

սարդը զարնանը «կսելով, քաղոց ամիսն ընկնում է հուլիսին, որն իրապես քաղի ամիսն է»¹²:

Հարց է առաջանում՝ հին հայկական այդ տոմարը ինչպե՞ս ժամանակ է գործածության մեջ մնացել և քրիստոնեությունը Հայաստան մուտք գործելուց հետո արդյոք նա էլ վերջացավ: Մեր կարծիքով հին հայկական տոմարը ժողովրդի մեջ պահվեց երկար ժամանակ — մինչև ուշ միջնադար: Անհիմն է Հովհաննես Խմաստասերի այն վկայությունը, որ իրր թե հին հայկական տոմարը վերացվել է մեր թվականության 122-ին: «Հաւասարապէս, — գրում է նա, — ի ճիճ ամ Քրիստոսի աւարտաւ թուականն Հայկայ»¹³:

Վերջին դարերում հեթանոսական հայադիր այս թվականը, որուն» թվականի անվան տակ, գործ էածվում օրացույցներում:

Այս տարի, այսինքն 1956-ին, հին հայկական այս թվականով միև օգոստոսի 11-ը 4448, իսկ օգոստոսի 11-ից հետո՝ 4449 թվականն է:

2. ՀԱՅԿԱԿԱՆ ՄԵՈՒ ԹՎԱԿԱՆ

Հայկական տեղական թվականներից մեկ հասած հայ մատենագրության մեջ ամենից գործածականը «մեծ» կոչվող թվականն է եղել: Այս թվականը հիշվում է տարբեր անուններով՝ «քուականութիւն հայոց», «քուականութիւն Հայկազնեայց տոհմին», «քիւ Աստուածեան», «քուականութիւն հայոց տուածոիս, ու Յարեբեան կոչի», «քուարեութիւն Արամեան» և այլն: Հայկական այդ թվականը հիշվում է նաև «եստսրովային», «եստսրովային պարսից մեծ թիւ» անուններով՝ նկատի ունենալով, անշուշտ, հայկական թվականի սկզբնավորության տարիներին պարսից հոսարով Անուշիրվան թագավորի գահակալությունը (531—579 թ. թ.):

Հայկական մեծ թվականի սկզբնավորությունը, որ կապված չէ հասարակական-քաղաքական բնույթ ունեցող ո՛չ մի իրադարձության հետ, ինչպես մենք ցույց ենք տվել մեր Շիրակացու մատենագրության մեջ,

կապված է եղել 532 տարիների տոմարական առաջին շրջանի հետ¹⁴: Հայկական «մեծ» թվականի սկզբնավորության մասին պարզ պատկերացում կաղմելու համար անհրաժեշտ ենք համարում փոքր ինչ կանգ առնել այս շրջանի վրա՝ կապված իհարկե հայկական թվականի հետ:

Քրիստոնեությունը Հայաստանում մուտք գործելուց և պաշտոնական կրոն ճանաչվելուց հետո, սահմանվում են մի ջարք տոներ՝ կապված որոշ օրերի հետ¹⁵: Վաղ քրիստոնեական շրջանում Հայաստանում և քրիստոնեական մյուս երկրներում օգտագործում են 19-ամյա շրջանի համար կազմված տոնացույցներ: Հետագայում այդ աղյուսակների փոխարինում են 95-ամյա շրջանի աղյուսակով, իսկ 354 թվից սկսում են օգտագործել Անդրեաս Բյուզանդացու կազմած 200-ամյա շրջանի տոնական աղյուսակը:

Անդրեասի այս աղյուսակը, որ սկսել էր 354-ին, վերջացավ 553 թվին, որի պատճառով տոները սկսեցին շփոթվել: ... Ի ժամանակս ամբարիշտ Թագաւորին Յուստինիանոսի, — գրում է Հակոբ Դրիմեցին, — եղև

11. Ղ. Ալիշան, Հայկայ յրջան — Հին հայոց տոմար և թուական հայագիր (տե՛ս «Յուլիկը», հատ. Ա, էջ 76—104):

12. Հայկական ՌՍԻ Պետական մատենադարանի № 1939 ձեռագիրը պարունակում է հին հայկական տոմարական մի ցանկ, որը նախասարդը զուգակցված է մարտ ամսին, իսկ մյուս ամիսները՝ ըստ այդ հայոցականության (տե՛ս թ. 28ա):

13. Հմմտ. Ղ. Ալիշան, Հայկայ յրջան (տե՛ս «Յուլիկը», հատ. Ա, էջ 90):

14. Ա. Աբրահամյան, Անանիա Նիրակացու մատենագրությունը, էջ 109:

15. Այս մասին արժևալոր ուսումնասիրություն ունի Հ. Ն. Ալիշանը՝ «Հայոց եկեղեցական տարին յոթներորդ դարու սկիզբը» խորագրով, որ տպագրվել է «Հանդէս ամսօրեայ»-ի 1947 թվի համարներում:



Հայտնի տոմարագետ Հակոբ Արթուրյանի
(Հայկական ՍՍՌ Պետ. մատենադարանի ձևագրերից)

յրումն Կ. ամից կարգացն Անգրեանայ, և սկսան շփոթիլ լրմունք գատկաց և դիրք արունաստական տոմարացո¹⁶։

Տոմարական այս շփոթությունը սակայն միայն Հայերի մոտ չէր, այլ ողջ բրիտանական աշխարհի։ Այս խառնաշփոթությունը կարգավորելու համար 561 թվին Աղեքսանդրիայում հրավիրվում է տոմարադետներ ժի ժողով՝ էաս Աղեքսանդրացու գլխավորությամբ։ Անանիա Շիրակունիսի իր Չատկի ճառում մանրամասն նշում է ինչպես ժողովի գումարման շարժառիթների, այնպես և կատարած աշխատանքների մասին և տալիս ժողովի մասնակիցների անունները¹⁷։

Աղեքսանդրիայի այս ժողովի մասնակիցները կազմում են 532 տարիների տոնական մի աղյուսակ՝ բաղկացած արեղակի 28 և լուսնի 19 շրջանների բաղմապատկից։ Այդ աղյուսակի հայ մատենագրության մեջ կոչվում է ՇԼԲ, կամ ավելի կրճատ՝ Հինգ-

հարյուրյակ՝ ՇԼԲ՝ այս աղյուսակն ընդունեցին բրիտանյա բոլոր երկրները, այդ թվում և Հայաստանը։ Կիտյն Կոստանդնուպոլսում է, որ այս աղյուսակի մեջ որոշ փոփոխություն մացրեց Իրան անունով մեկը, որը և տեղի տվեց հետագայում դավանարանական անհամ զենների։

Հայկական «Ճեճ» թվականը ահա սկիզբ է առնում այս աղյուսակներից, որի առաջին տարին սկսում էր 553 թվականին։ Այս մասին բաղմաթիվ փայլաթյունների կան, որոնք ավելորդ են համարում մեջ բերել։

7-րդ դարում Անատոսի կաթողիկոսի (661—667 թ. թ.) հանձնարարությամբ, համակառն է 665 թվականին, Շիրակացին կազմում է հայկական տնշարժ տոմարը, որը սակայն մեզ անհայտ պատճառներով չի հաստատվում և դարձածություն մեջ չի դրվում¹⁸։

Այն մասին, որ իբրեւ հայկական թվականը ոկսել է 553 թվին, վկայում են միջնադարյան մեր բոլոր ակնհայտոր մատենագիրները։ Հովհաննես Կոզեղնը, Հովհաննես Խմաստոները, Ստեփանոս Ասողիկը, Ստեփանոս Օրբելյանը, Կիրակոս Գունձակեցին, Կիսիթար Այրիվանեցին և մյուսները։ Ըստ այսմ, հայկական թվականի տարրերությունը մեր ներկա էրայի համեմատությամբ լինում է ոչ թե 551, ինչպես ընդունված է և բաղաբաղություն ունի հայագիտական գրականության մեջ, այլ 552, իսկ 1317 թվականից հետո, ինչպես կտեսնենք, պիտի ավելացնել 553։ Այս տեսանկյունով պիտի վերանայվի հայ ժողովրդի պատմության 4—14-րդ դարերի ամբողջ ժամանակագրությունը։

Հայկական ՍՍՌ Պետական մատենադարանի № 977 ձեռագիրը, որ բովանդակությունը «Մայր Մաշտոց» է, գրված է «Հոռոմ թուականության Ուն2-ին և «Հայոց տաւմարիս ՅեԲ—ին»։ Հոռոմական 646 թվականը համասար է՝ 646+246=894-ի, Հայկականի համապատասխան թվականը գտնելու համար պիտի ավելացնել ոչ թե 551, այլ 552 թվով՝ 342+552=894-ի։

Հայկական ՍՍՌ Պետական մատենադարանի № 1366 ձեռագիրը, որ բովանդակությունը Ոսկերեքանի ժողովածուն է, գրված է

16. Յովհաննես Կոթ-զիկոսի Գրառանկերացոյ Պատմութիւն Հայոց, Քիշիւ. 1913 թ., էջ 52։

17. Մատենագրության մեջ հիշվող Շիրակացու անշարժ տոմարը, մեր կաթողիկոս, մեր հրատարակած ՇԼԲ տոմարական աղյուսակն է (անհ. Շիրակացու մատենագրությունը, էջ 263—241)։

18. Գրեգորի կաթողիկոս Հովնաթյան, Հիշատակարանը ձեռագրաց, Անթիքա, 1901 թ., էջ 85—89։

16. E. Dulaurier, Recherches sur la chronologie arménienne, Paris, 1859, p. 93.

17. Ա. Արքաճմյան, Շիրակացու մատենագրությունը, էջ 295—296։

«Յամի վեցհազարերորդի առաջնորդի արա-
րածոց աշխարհի, և ի հազարերորդի, և թա-
նասներորդի, և թններորդի կենարարին մերոյ
գալստեանն, և ըստ Խոսրովային թուոյ
Հայկազանց՝ հինգ հարիւրորդի, քսաներոր-
դի, հինգերորդի...»²¹ Արարչության թվակա-
նը հրեից կոչվող թվահաշվով է, ուստի դուրս
պիտի հանենք $5424 - 6501 - 5424 = 1077$,
որը և համապատասխանում է քնագրում հիշ-
ված քրիստոնեական թվականին: Արարչու-
թյան ու քրիստոնեական տրված թվահաշվով
հայկական այս թվին պիտի ավելացնել
ոչ թե 551, այլ 552 ($525 + 552 = 1077$):

Հայկական ՍՍՌ Պետական մատենադա-
րանի № 492 ձեռագիրը, որ բովանդակու-
թյամբ Մխիթար Գոշի Գատաստանագիրքն է,
գրված է «ի թուականութեանս Հայոց ՈԼԳ, և
շրջանին երթալոյ ի բայց ՇՆԱ. որ կոչի փոքր,
իսկ հոռոմին նն...»²² Հոռոմեական 405 թվա-
կանը հավասար է՝ $405 + 248 + 532 = 1185$ -ի,
Հայկական փոքր կամ մտրուկ թվականի
101-ը հավասար է՝ $101 + 1084 = 1185$ -ի: Այդ
հաշվով հայկական թվականի վրա պիտի
ավելացնել 552 ($633 + 552 = 1085$):

Ստեփանոս Ասողիկը իր պատմությունը
վերջացնելու տարեթիվը տվել է հետևյալ
թվահաշվով. «...քննել գտաք ի հանդիոյ-
ման ամին յԱղամայ մինչև առ մեզ լինել
ամբ ՄԻԶԲ, և ի խաչելութենէ կենարար շար-
շարանաց Տեառն՝ ամբ ԶԶԲ: Իսկ ըստ Յունաց
թուականին ի Փիլիպպոս կայսերէ՝ ամբ
95Է, և ըստ հայերէն չափոյ թուականին մե-
րոյ՝ ամբ ՆԾԳ, որ է ամ երեսներորդ թաղա-
տրութեանն Վասի կայսեր Յունաց...»²³
Արարչության թվականն այստեղ օգտագործ-
ված է Մովսես Արմենացի թվահաշվով, ուս-
տի տրված թվից պիտի հանենք 5277 թիվը²⁴,
 $6282 - 5277 = 1005$: Ասողիկն այստեղ հու-
նաց թվական ասելով հասկանում է հոռոմեա-
կան թվականը, ուստի 757 -ին պիտի գումար-
ենք 248 , հավասար կլինի 1005 -ի: Խաչե-
լության տրված 972 -ին պիտի գումարենք 33
թիվ (Հիսուսը, ըստ ավանդության, խաչվեց



Աստղագետ իմաստասեր

(1788 թվի Մադրասի «Էֆիմիոսի»-ից)

33 տարեկան հասակում՝ $972 + 33 = 1005$:
Այդ բոլոր թվահաշիվներով, ուրեմն, տրված
հայկական թվին պիտի գումարենք 552 ,
 $453 + 552 = 1005$: Ի դեպ, 1005 -ին է համա-
պատասխանում Վասիլի կայսրության երես-
ներորդ տարին --- նա դահակայել է 976
թվին²⁵:

Հայկական ՍՍՌ Պետական մատենադա-
րանի № 6362 ձեռագիրն քնդորինակված է
«ի Քրիստոսի խաչելութենէն մինչև ՈԼ թուա-
կան ամբ ՌՈՂԶԲ»²⁶, Հայկական 630 -ին պիտի
գումարենք 33 (խաչելության թվականը)
 $= 663$, նույնը և մեր թվականին՝ 1182 -ին
($1182 + 33 = 1215$), եթե մենք 1215 -ից հա-
նենք 633 , տարբերությունը կլինի 552 :

Կարելի է բերել այլ օրինակներ ևս, բայց
բերած օրինակներից պարզ կրնում է, որ
 $11-13$ -րդ դարերի հայկական թվականները
հաշվելիս պիտի գումարել ոչ թե 551 , այլ
 552 :

²¹ Նույն տեղում, էջ 255:

²² Նույն տեղում, էջ 505:

²³ Ստեփանոսի Տաթևեցուցի Ասողիկան. Պատմութիւն
տիեզերական, ՍՊԲ, 1885 թ., էջ 285:

²⁴ Մ. Չամչյան, Պատմութիւն Հայոց, Գ հատոր,
Վենետիկ, 1780 թ. (տե՛ս Հավելված ժամանակագրու-
թյան 3-րդ էջը):

²⁵ Gardthausen, Griechische Palaeographie, Leipzig,
1913, p. 490.

²⁶ Հայկական ՍՍՌ Պետական մատենադարանի ձե-
ռագիր № 6362, Բ. 64ա:

(Շարունակելի)